


# Огазея храмзы

**12-тй толшоре Ижысь Йёскалык библиотекаын ортчиз «Удмурт шаер» клублэн пумиськонэз. Төр шорын вал «Мой храм» книга (6+) но солэн авторёсыз — священник Георгий Фомин но писатель Галина Лошкарёва.**

«Мой храм» книга сизе мын Можга ёросысь Зуч Пычас черкогуртысь Александр Невский нимо храмлы. 2020-тй арын май толэзе черклы 130 ар тырмиз. Зуч Пычасын вань будэм муртъёс, татын черке пырем адымиос понна та храм вордскем юртсы кадь луэ, сое «мынам храме» шуо — та бордысь ик книгалэн нимыз потэмын. Храмлэсь историзэ авторёс возматаны тыршизы черкогуртын вордскем но будэм муртъёслэн тодэ ваёнъёссы но черкын ужам священникёслэн улон сюресъёссы пыр. Кутйзы Удмуртиысь Шор кун



Г. Фомин но Г. Лошкарёва тодматйзы книгаенызы.

архивысь, Сарапул город администрацилэн архивысьтыз материалъёсты но. Озы одйг храмлэн историез пыр син азе пуксе черкогуртлэн, ма,

быдэс кунлэн историез но. Книгае пыртэмын трос туспуктэмъёс. Унозэ лэсьтйз черкын ужась священник Георгий Фомин. Книгаысь лыдзыны луэ

Москваысь кылбурчилэсь Терентий Травниклэсь чуръёссэ но. Солэн чуръёсыз книгалэн аспөртэм мылкыдызлы туж тупало, пе.

Ужрадэ озы ик вуылйз Вера Руданова — 1947-тй-1987-тй арьёсы храмьын настоятельын ужам Григорий Шалашовлэн внучкаез. Кышномурт тодаз вайиз песятаезлэсь но песянаезлэсь верамъёссэс, вераз, кызы храм совето вакытэ ужаз. Сое пытсаны медо вылэм, но юмокен йырин быгатйллямтэ. Храме пытсаны вуэм адымиослы усътон нокин сётымтэ, соос черк пушкы пырыны быгатйллямтэ. Храмлэн өсэз вылын тунгон ошиське, озыен, со пытсамын шуыса, чиновникъёс кошкыллям. Нош черкогуртысь калык черке нош ик пумен кыстйськем, татын вöсяськыны öдъям. Кивалтйсьёслы чагиськисьёс вылйллямтэ.

Авторёслы шунйт кыльёссэс веразы пумиськонэ

вуэм куноос, пöлазы — Ижысь шаерчи, туспуктйсь Сергей Селивановский но УдГУ-ысь дышетйсь, филология наукаосья кандидат Галина Шушаркова.

Ужрад дыръя буре вайизы Александр Невский но. Туэ Россиын пусъёмы князьлэн, Зуч православной черкысь святойлэн вордскемез дырысен 800 ар тырмонэз. Со лы сйзбыса, Йёскалык библиотека адзытон дасыны öдъя, отын луозы шер пумиськылысь вуж книгаос но.

Книгаен тодматскон дыръя Галина Лошкарёва тау кариз вань юрттэм муртъёслы. Та книга, Инмар юрттытэк, öй вордйськысалыз, шуиз со. Георгий Фомин но Галина Лошкарёва книгазэс Йёскалык библиотекалы кузьмазы. Табере соин вань мылкыд карисьёс тодматскыны быгатозы.